

# Powšitkowne WOZJEWJENJA

njedźelu, 11. januara 2014

## Historiske dopomnjenki a časowi swědkojo

W putniskej hospodže w Chróścicach budže njedźelu, 18. januara, w 17 hodź. wosebite zarjadowanje z historiskimi dopomnjenkami. Na spočatku pokaza Borbora Šoćina ze Žuric historiske serbske filmowe wurězki, mjez druhim wo něhdyšim Chróšćanskim wjesnjanosće Francu Młynku. W druhim džělu wječora póndže wo čas před 70 lětami – kónc Druheje swětoweje wójny. Kolesowy putnik Bernd Keller z Göttingena chce ze swojej kolesowej jězbu na wuswobodjenje koncentraciskich lěhwow dopomnić. Po puću mjez lěhwom Moringenom pola Lipska a Łódžu w Pólskej budu Chróścicy jedna z jeho stacijow. Bernd Keller nadźija so, zo móže so na tutym wječoru z časowymi swědkami rozmołwjeć. Jako rozmołwna partnerka budže Jěwa-Marja Elic z Hórkow přitomna. Wona je so intensiwnje z Hanku Šěrcec zaběrała, za kotruž bu w léce 2014 přěni serbskorěčny kopolak-plesternak položeny.

## Swjedzeń swjateho Bosćana w Chróścicach

Předsydstwo Bratstwa swjateho Bosćana přeprašuje wšitkich na swjedzeń swjateho Bosćana wutoru, 20. januara, do Chróścic. Bože mšě budu w 6.45 hodź., 9.00 hodź. a 19.00 hodź. Swjedženski nyšpor z procesionom po wsy je w 14.00 hodź. Po nyšporje změja člonojo bratstwa na farje swoju hłownu zhromadźiznu. Wěriwi ze wšitkich serbskich wosadow su přeprašeni, do Bratstwa swjateho Bosćana zastupić. Štóz chce z člonom bratstwa być, njech so hač do soboty, 17. januara, na Chróšćanskej farje přizjewi, telefonowe čisło (03 57 96) 8 04 00.

## „Dobre činić, wjesoły być a wroblkam fifolić dać“

Pod hesłom swjateho Jana Boska „Dobre činić, wjesoły być a wroblkam fifolić dać“ přeprašuje Dekanatne dušepastyrstwo džěci 3. a 4. lětnika sobotu, 31. januara, wot 9 do 15 hodź. na zhromadny dzeń do Don Boskoweho domu we Worklecach. Zajimcy njech so prošu hač do póndzele, 27. januara, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja štyri eura.

## Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so bórze přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.

## Komedija w Njebjelčicach, Haslowje a Chróścicach

Dalše předstajenja komedije „Jedyn Šwjerčik přińdže zředka sam“ budžeja njedźelu, 18. januara, w Njebjelčanskej „Bjesadže“; njedźelu, 25. januara, w Haslowje a posledni raz njedźelu, 1. februara, na Krawčikec žurli w Chróścicach. Předstajenja započnu so stajnje w 16 hodź. Hrajerjo Chróšćanskeje dźiwadłoweje skupiny wšitkich wutrobnje přeprašuja.